

希古堂詩存

希古堂詩存卷八

新會黃炳堃笛樓著

孫實編校

辛丑元旦試筆

書空忽咄咄怪事匪今多觀奕氣常結遭時鬢更皤和戎
新變局閱世久悲歌望魯龜山蔽誰其手斧柯

連日積陰旣乃得雨

天公不欲觀塵寰九門雖設晝常關陰霾四合宇宙塞羲
和走匿懸車閒我謂天公胡太忍坐聽眾生無歡顏帝乃
怒鞭嬋媛犬流血千里元黃滿猛虎呼風捲地毛羣龍行
雨洗天眼下視豺狼氣果驕傷此蒼黎命垂盡須臾被澤
萬彙蘇巷來舞者歌則衢始知愛物本天意覆幬失所無

一夫

丈夫

丈夫生世不封侯何似散髮乘扁舟月明垂釣得雙鯉酒
酣使氣吞九牛有錢糴米大自在無吏催租誰誅求刺船
但依綠樹塢結屋近在紅蓼洲胡爲乎雞鳴而起孳孳利
義冠終日如沐猴君不見叔敖有子負薪過倘無優孟卒
窮餓

偶成

仕宦無成昨已非越王臺遠雁初飛珠江喚渡年時事白
髮天涯老未歸

武陵

武陵隱人夜釀酒云是洞中宴新友太元以來谷爲陵問
津無人時已久我謂桃源盈世間溪山均是避秦藪有地
都能藝桑麻有人何處無雞狗卽如淵明解組歸柴桑十
似桃源九秋荒徑裏撫孤松春到門前垂五柳此中不爲
外人道勿種桃花在溪口更無何物引漁人但率妻子耕
南畝

率賦

險惡江濤世路危扁舟一棹欲何之勸君暫避蘆花裏且
待風清月上時

隱者

隱者幽棲處冬來雪擁扉山高無捷徑樹老有生機茅屋

待聽雨松關含落暉有時攜杖出坐看片雲飛

寒林

朔風掃林無一貸轉瞬春來改常態老枝初坼迸新黃嫩
條條變成深黛幽人山居獨會心默玩榮枯發長慨人生
得失勿憂喜古來萬事有如此君不見黑貂裘敝窮蘇秦
佩六國印夫何人

我家

我家舊住珠江頭白雲山色入畫樓四十三年脚無線不
知何處故園秋

九月

九月霜葉紅逾花千樹萬樹明秋霞隱聞松外遠鐘響瞥

見山半晴雲遮晴雲入山出亦懶自在卷舒無人管爲霖
爲雨豈雲心但願湯無七年旱

西風

西風撼樹搖秋光燭天萬木丹且黃宋玉不解領真趣但
悲搖落忘文章迂黃道者雲爲鄉夜飲沆瀣眠清霜生來
絕愛秋色好滿眼林葉紅於棗卽今狂走山谷間那管行
年老不老

示騰瑞孫

男兒墮地懸桑弧四方之志無他途姬公孔孟雖往矣道
在天壤傳於書買臣負薪不輟讀李密騎牛猶與俱我曹
飯飽衣亦煖胡爲坐放隙中駒奔走作勞農工賈視息自

逸雞犬豬人於萬物尤爲貴少小暴棄將誰誣四十無聞
不足畏百歲易盡良可吁何況載籍得真樂一室尙友古
人徒六經有味豈糟粕千秋盛業無顧廚竅冠博帶負此
腹寧爲識字耕田夫有書不讀誠庸奴何若燕市名狗屠

示昆瑞孫

爾父如爾年我父棄我逝萬里輕四方一賤供百戲不作
登樓賦強爲入時媚自分儕庸奴視彼侔天地軋軋轉風
輪往事堪隕涕我今年古稀爾父四十歲宦味口茹荼世
路身作礪貧賤固足傷富貴亦非計生人不讀書舉動兩
目閉耕田不識字咫尺一墻蔽莫若謝名利兼可避權勢
讀書且耕田長游太平世

得桂香宇方伯書邵寄

季埜讀書無停口季埜作吏不低首有生奇骨鑄金鐵不
作折腰垂楊柳文章氣節無時賢二十年中牛馬走詞賦
直升應劉堂功名何止杜房友好古窮搜尙論高人時深
鄙俗情狃挾才如此萃一身豈似陳思僅論斗湖海難容
涸轍魚風塵致誚喪家狗一昨書來自黔西中有昌谷肺
肝嘔字字都從血淚凝旁行細書出君手有託欲逃賣藥
翁長歌當哭浣花叟九轉腸迴繾綣蕉百孔心通玲瓏藕
我爲一讀一傷神故態狂奴亂拊缶百罹身世不成官萬
事眼前惟有酒季埜季埜宜自珍如君豈落古人後卽今
行義世所欽求之濁流寧復有

寄懷桂香宇

霖

方伯四首

皜皜天上雲
睢睢雲間鶴
矯矯自來去
不插塵中脚
問鶴何孤翔
爲言鷹鷂惡
顧此匪儔倫
庸肯謬附託
久息扶搖想
甘適飛鳴樂
負乎胡可及
幸勿擬烏鵲

我昔依長松下有寄生草分此雨露滋
差覺顏色好昕夕附末光契合深素抱
一朝移松去弱質委中道秋蓬扶不直
宿根漸以槁蘭刈因當門微軀豈能保

有客來黔西手握靈蛇珠光怪不敢炫
深藏若大愚三年無真賞千金未肯沽
人或疑居奇客亦還自娛稜稜非求價
所性侔老迂信之以素守豈復喪厥初

鳳凰西南飛萬里離其羣梧桐不可得
毛羽空有文世人

未之識凡鳥豈無分鳳亦不自怨所惜故巢焚流離安所
歸姑戀黔山雲德衰將何尤暫以避時氛

寄楊生春伯

楊生性好修皎然浣塵俗食未歌苹蒿盤暫謀苜蓿我聞
楊誠齋舊與黃山谷詩派相流傳別標西江目兩家共淵
源故書還可讀異學方爭鳴聖道際絕續願努稽古力支
此大厦木

楊春伯學博

學禮

黃瀛芝上舍

登科

自景東還昆明

道出楚雄因留小飲率成二詩兼寄景東諸子

山中杳矣足音過門徑新泥草有窠遠道故交來不速清
談小飲未遑他乾坤幾輩知尋樂中外誰人爲戢戈難得

客途今日酒京華此會果如何

柘南草木困薨芻茂叔行春喜漸蘇

謂周屏侯

笑我一廬聊避

世讓人三窟作良圖干戈未靖年垂暮輦帶同禪道不孤

因戴小蓮太守亦將卜居景東

寄語舊遊二三子伯龍無鬼不揶揄

率成四首

出山雲氣生巖阿離奇變幻成頃俄千態萬狀足怡悅不堪持贈當奈何須臾蘋末大風起十二巫山淨於洗雲兮雲兮胡白多人間富貴亦如此

毒龍登天據雲頂羲和欲出仍不肯羣芳養晦歛其華四山冬睡春未醒安得滄雷震蘇蘇一起萬蟄噓枯株俾此山中棲隱客青鞵白紵行提壺

秋江水怒不可當助虐更有西風狂巨舟落帆不見影小
艇收楫沙嘴藏嗟哉秋氣一何酷林樹悲號振場屋人間
何地無囂塵雞犬不驚酒正熟

朔風盛怒號寰中雪賊萬木餘孤松羲軒逃避不敢出袁
安癡卧猶夢夢誰歟傾否好身手力幹天柄屠白龍有若
人兮在空谷獨行草莽需羣雄

早起喜晴

宿雨夜來歇曉晴天地新有如人病起喜見物華春秋色
綠如舊霞光紅有神開軒望原野四宇淨無塵

鹿城望雨

山雲初起隱山曲欲上未上露山腹無由雨我公及私屯

膏不下蒼黎哭有田待犁澤靳施有種弗播胡能熟我謂
蠻中去天遠雄虺九首據林谷噴霧五色非雲倫不克爲
霖生瘴毒蓬蓬盛氣不可親告爾羣生勿輕觸盍歸平來
五嶺南況有雕題嗜人肉

贈山人

山中之水清且漣山中之日如小年其人渾噩似太古不
與塵世爭貨泉黃茅縛屋三兩椽綠樹抽琴一再眠上有
松風時鳴絃下有老鶴翔蹁躚洗頭玉女顏如蓮左手高
拍洪崖肩炊黍富貴輕於煙漆園養生參妙詮不從赤松
遊亦仙

咏雪

陽消陰沍勢膠鞏彌天吹落鶴毛毵大千世界廣積銀正
一道人豈爲動如此紛華瞥過眼逆知漸滅不旋踵須臾
旭日太虛懸遠見疎林好山擁雪花大失六出威雲樹未
改千尋竦天公狡獪夫何爲費却變態無數種

咏古四首

文遇崇侯虎明夷羗里時聖王無賄賂亂世此權宜脫罪
扶危策專征受命基豈惟閔天力費仲亦云奇

四國流言日周公亦自危風雷示奇變日月永昭垂赤舄
表常度金縢剖大疑罪人如不得臣節曷由知

武叔不知量宮牆未得門邱陵胡足擬泰岱有常尊自絕
乾坤外何傷日月存子禽亦同調憐爾各昏昏

平公車已駕將見孟先生不有嬖人沮甯非大道行信天
聊自慰救世豈梯榮樂正勞推轂臧倉竟敗名

畫山水幃子因綴四絕

北苑春山大有詩少文快意卧遊時自拈斑管忙皴皴不
問秦雄與楚雌

山城如斗入煙霄積雨連旬海若驕人在陰霾嗟黯慘幾
時歸趁大江潮

天外風豪西復西東來捲浪潰長堤有人獨立煙波畔泣
訴秋穹拄杖藜

悲深車揭匪風篇作賦虛勞謝惠連可惜寒林無大木飄
搖予室逼殘年

梅花

仙人昨來姑射山青虬天矯神安閒具言我是羅浮種標
格合伍蓬萊班忍寒不畏雪花大縞衣綽約白玉顏下視
塵寰伊胡底雌雄擾擾爭觸蠻自賞風流冰作骨插脚恐
汗淩波韞昂頭一笑天地春迴身獨返神仙窟是時月色
低銀鈎清光欲收仍未收齊烟九點黯不辨橫斜水淺鳴
鶻鷁羣芳已隨泡影滅高致乃與松柏留香滿山中樂莫
樂竹外更有誰爲傳

送梁樂山下第歸里

有鳳翔苴蘭文采輝五色市人詫爲奇蹟者不之識匪鳳
毛不修惟彼目無力我謂鳳何尤竹鮮實堪食虞廷詎可

追來儀亦衰德岐山今已遙歸昌音盍息鷹鷂盤九霄燕
雀充四極爾卒非其倫宜戢垂天翼飄然還丹山勿羨栖
枳棘

偕同人游塔坳西靈廟

閉門寂同僧入定久不登山負山勝秋風吹落斜日黃動
我老懷登幽興攜幼步出城西門石徑漫衍無苔痕慣見
長林鴉爭樹遠數隔水鳶投村移時道旁挺修竹下有小
溪清可掬雖無深邃供討尋頗覺修潔出塵俗其神錫號
稱西靈路人謂神醫術精無乃夙飲上池水洞見肺腑如
列屏治目尤能奏奇效瞶者能使雙瞳明我思眾生不可
極恆河沙數瞽千億萬人如海紛紛賢愚五色成文淆白黑